

	Korrupsiyaga qarshi kurashish va komplaens nazorati			
	Hujjat nomi:	O'zbekiston texnik jihatdan tartibga solish agentligining boshqa vazirlik va idoralar bilan sohaga oid vazifalarni bajarish jarayonida o'zaro hamkorlik qilish TARTIBI	Hujjat belgisi:	06
	Amal qilish muddati:	3 yil	Tahrir:	1

O'zbekiston texnik jihatdan tartibga
solish agentligining
2025-yil 4- fevraldagi
10-son buyrug'iga
5-ilova

**O'ZBEKISTON TEXNIK JIHATDAN TARTIBGA SOLISH
AGENTLIGINING BOSHQA VAZIRLIK VA IDORALAR BILAN
SOHAGA OID VAZIFALARNI BAJARISH JARAYONIDA
O'ZARO HAMKORLIK QILISH
TARTIBI**

Korrupsiyaga qarshi kurashish va komplaens nazorati				
	Hujjat nomi:	O'zbekiston texnik jihatdan tartibga solish agentligining boshqa vazirlik va idoralar bilan sohaga oid vazifalarni bajarish jarayonida o'zaro hamkorlik qilish TARTIBI	Hujjat belgisi:	06
	Amal qilish muddati:	3 yil	Tahrir:	1

I. Umumiy qoidalar

1. Mazkur Tartib O'zbekiston texnik jihatdan tartibga solish agentligining (*keyingi o'rinlarda – Agentlik*) boshqa vazirlik va idoralar bilan korrupsiyaga qarshi kurashish jarayonida o'zaro hamkorlik qilish tartibini belgilaydi.

2. Korrupsiyaga qarshi kurashish agentligi va boshqa huquqni muhofaza qilish organlari hamda Agentlik o'rtasidagi hamkorlik O'zbekiston Respublikasi Konstitutsiyasi, qonunlari, O'zbekiston Respublikasi Prezidenti va Vazirlar Mahkamasi qarorlari hamda ushbu Tartib asosida amalga oshiriladi.

3. Mazkur Tartib Korrupsiyaga qarshi kurashish agentligi va boshqa huquqni muhofaza qilish organlari hamda Agentlik o'rtasida xodimlar orasida hamda jamiyatda korrupsiyaga qarshi kurashish madaniyati darajasini oshirish maqsadida, agentlik va uning tizim tashkilotlarining yuqori axloqiy me'yorlarga sodiqligini, shuningdek, agentlik va uning tizim tashkilotlarining xodimlari faoliyatida korrupsiyaviy huquqbuzarliklarga murosasizlik va ularni sodir etishga yo'l qo'ymaslik bo'yicha hamkorlik shakllarini hamda tizimli axborot almashinuvini yo'lga qo'yishni nazarda tutadi.

4. Agentlik va uning tizim tashkilotlarini boshqa vazirlik va idoralar bilan hamkorligi mazkur tartib asosida amalga oshiriladi.

II. Hamkorlik shakllari

5. O'zbekiston texnik jihatdan tartibga solish agentligini manfaatdor vazirlik va idoralar bilan quyidagi yo'nalishlarda hamkorlik qiladi:

hamkorlikda korrupsiya bilan bog'liq huquqbuzarliklarni targ'ibot va profilaktik ishlarini tashkil etish;

Korrupsiyaga qarshi kurashish agentligining so'roviga asosan korrupsiyaga qarshi tekshirish va taftishlarda Agentlik xodimlarini mutaxassis sifatida jalb qilish;

Korrupsiyaga qarshi kurashish agentligi va agentlik o'rtasida axborot almashinuvini tizimli ravishda yo'lga qo'yish;

6. Agentlik o'zaro hamkorlikni amalga oshirishda quyidagi vazifalarni amalga oshiradi:

Korrupsiyaga qarshi kurashish va komplaens nazorati				
	Hujjat nomi:	O'zbekiston texnik jihatdan tartibga solish agentligining boshqa vazirlik va idoralar bilan sohaga oid vazifalarni bajarish jarayonida o'zaro hamkorlik qilish TARTIBI	Hujjat belgisi:	06
	Amal qilish muddati:	3 yil	Tahrir:	1

agentlik va uning tizim tashkilotlarining xodimlari faoliyatida korrupsiyaviy huquqbuzarliklarga murossasizlik va ularni sodir etishga yo'l qo'ymaslik va bu borada amaldagi qonunchilik va ichki hujjatlarni rioya etilish;

korrupsiyaga qarshi kurashish tizimini monitoring va nazorat qilish; Bunda:

agentlik va tizim tashkilotlarining faoliyati va funksiyalaridagi o'zgarishlar, ularning tashkiliy-funksional tuzilmasidagi o'zgarishlar hamda boshqa ichki va tashqi omillarning agentlikda korrupsiyaga qarshi kurashish tizimiga ta'sirini, mazkur tizimga o'zgartirish kiritish zaruriyatini tahlil qilish, shu jumladan, uni amaldagi qonunchilik talablariga muvofiqligini ta'minlash;

tasdiqlangan rejaga muvofiq samarasiz nazorat va tartib-taomillarni aniqlash uchun ularni to'g'rilash va korrupsiyaga qarshi kurashish tizimining ishonchliligi va samaradorligini ta'minlash maqsadida tanlov asosida agentlik tizimidagi funksiyalar va ichki jarayonlarni monitoring qilish;

ichki va (yoki) tashqi tekshiruvlarni o'tkazish jarayonida agentlik va tizim tashkilotlari xodimlari tomonidan korrupsiyaga qarshi kurashish bo'yicha talablarga rioya qilinishini nazorat qilish;

korrupsiyaga qarshi kurashishni muvofiqlashtiruvchi va boshqa tarkibiy tuzilmalarga yuklatilgan korrupsiyaga qarshi chora-tadbirlarning o'z vaqtida va tegishli tartibda amalga oshirilishi ustidan nazorat olib borish va h.k.

korrupsiyaviy xavf-xatarlarni amalga oshirish natijalariga ko'ra agentlik va uning tizim tashkilotlarida korrupsiyaga qarshi kurashish tizimining samaradorligini to'xtovsiz ravishda oshirish ishlarini muntazam ravishda amalga oshirib boradi.

III. Axborot almashinuvi

7. Agentlik, Korrupsiyaga qarshi kurashish agentligiga va boshqa vazirlik va idoralarga korrupsiyaga qarshi kurashish bo'yicha O'zbekiston Respublikasida qabul qilingan normativ hujjatlar, jumladan, xalqaro, davlatlararo, davlat standartlari, shuningdek, amalda bo'lgan O'z DSt ISO 37001:2019 (ISO 37001:2016,IDT) "Pora olish-berish bilan kurashish menejmenti tizimlari.

Korrupsiyaga qarshi kurashish va komplaens nazorati				
	Hujjat nomi:	O'zbekiston texnik jihatdan tartibga solish agentligining boshqa vazirlik va idoralar bilan sohaga oid vazifalarni bajarish jarayonida o'zaro hamkorlik qilish TARTIBI	Hujjat belgisi:	06
	Amal qilish muddati:	3 yil	Tahrir:	1

Foydalanish bo'yicha talablar va qo'llanma" davlat standartiga kiritilgan o'zgartirishlar bo'yicha xabar berib boradi.

8. Korrupsiyaga qarshi kurashish va uning oldini olish bo'yicha amalga oshirilgan ishlar yuzasidan hisobotlarni davriy ravishda kiritib boradi;

9. Korrupsiyaga qarshi kurashish tizimini monitoring va nazorat qilish ma'lumotlari:

agentlik va tizim tashkilotlarining faoliyati, tuzilmasidagi o'zgarishlar;

tasdiqlangan rejaga muvofiq, agentlik va tizim tashkilotlarda korrupsiyaga qarshi kurashish bo'yicha talablarga rioya qilinishini o'rganish natijalari (shu jumladan, qo'llanilgan ta'sir choralari haqidagi ma'lumotlar);

korrupsiyaga qarshi kurashishni muvofiqlashtiruvchi va boshqa tarkibiy tuzilmalarga yuklatilgan korrupsiyaga qarshi chora-tadbirlarning bajarilishi bo'yicha ma'lumotlarni Korrupsiyaga qarshi kurashish agentligiga va boshqa huquqni muhofaza qilish organlariga (zarur hollarda);

tomonlarning so'roviga asosan tegishli ma'lumotlarni bir - biriga darhol yoki so'rovnomada ko'rsatilgan muddatda taqdim qiladi.

10. Tomonlar o'rtasidagi axborot almashinuvi zamonaviy axborot texnologiyalari va kommunikatsiyalari orqali elektron yoki qog'oz shaklida amalga oshiriladi.

11. Mavjud qonun buzilishi holatlari hamda huquqni qo'llash amaliyotida kelib chiqadigan tizimli muammolar hamkorlikdagi idoralararo majlislarda muhokama qilib boriladi.

IV. Korrupsiya alomatlari aniqlangan

hujjatlarni taqdim etish va ko'rib chiqish

12. Agentlik tomonidan o'tkazilgan ichki audit, monitoring, baholash ishlarida korrupsiya alomatlari aniqlangan taqdirda tegishli ma'lumotlarni ular rasmiylashtirilgandan 5 ish kunidan kechiktirmasdan amaldagi qonunchilikka muvofiq qonuniy qaror qabul qilish uchun Korrupsiyaga qarshi kurashish agentligiga va boshqa huquqni muhofaza qilish organlariga yuboradi.

13. Korrupsiya alomatlarini aniqlash, agentlikning ichki hujjatlarida belgilangan mezonlarga asosan amalga oshiriladi:

	Korrupsiyaga qarshi kurashish va komplaens nazorati			
	Hujjat nomi:	O'zbekiston texnik jihatdan tartibga solish agentligining boshqa vazirlik va idoralar bilan sohaga oid vazifalarni bajarish jarayonida o'zaro hamkorlik qilish TARTIBI	Hujjat belgisi:	06
	Amal qilish muddati:	3 yil	Tahrir:	1

14. Agentlik tomonidan Korrupsiyaga qarshi kurashish agentligi va boshqa huquqni muhofaza qilish organlariga ma'lumotlar ichki hujjatlarda nazarda tutilgan tartibda yuboriladi:

15. Korrupsiyaga qarshi kurashish agentligi va boshqa huquqni muhofaza qilish organlarining so'roviga ko'ra ichki audit, monitoring, baholash ishlarida aniqlangan korrupsiya alomatlariga taalluqli bo'lgan boshqa hujjatlar ham taqdim qilinadi.

16. Monitoring va baholash ishlarida korrupsiya alomatlari aniqlangan taalluqli hujjatlar Agentlikning kuzatuv xati bilan yuboriladi.

17. Monitoring va baholash ishlarida korrupsiya alomatlari aniqlangan materiallar Korrupsiyaga qarshi kurashish agentligi va boshqa huquqni muhofaza qilish organlarining topshirig'iga ko'ra, ushbu organlarning tegishli bo'linmalari (boshqarmalari) tomonidan ko'rib chiqiladi.

18. Taqdim etilgan material yuzasidan Korrupsiyaga qarshi kurashish agentligi va boshqa huquqni muhofaza qilish organlari tomonidan amaldagi qonunchilikka muvofiq qaror qabul qilinadi.

19. Korrupsiyaga qarshi kurashish agentligi va boshqa huquqni muhofaza qilish organlari korrupsiya alomatlari aniqlangan holat yuzasidan qabul qilingan yakuniy qaror haqida uch kunlik muddatda Agentlikni yozma ravishda xabardor qiladi.

20. Korrupsiyaga qarshi kurashish agentligi va boshqa huquqni muhofaza qilish organlari taqdim etilgan hujjatlar to'liq bo'lmagan yoki kamchiliklar mavjud bo'lganda besh kunlik muddatda ularni Agentlikka qayta rasmiylashtirish uchun qaytarishi mumkin.

O'n kunlik muddatda taqdim etilgan hujjatlardagi kamchiliklar bartaraf etilib, Korrupsiyaga qarshi kurashish agentligi va boshqa huquqni muhofaza qilish organlariga qayta taqdim etiladi.

V. Yakuniy qoidalar

21. Xodimlar tomonidan mazkur Qoidalarga rioya qilish muhim kasbiy kompetensiya sifatida qaraladi va boshqa mezonlar qatorida lavozimini ko'tarish, faoliyatini baholash va h.k.larga xizmat qiladi.

	Korrupsiyaga qarshi kurashish va komplaens nazorati			
	Hujjat nomi:	O'zbekiston texnik jihatdan tartibga solish agentligining boshqa vazirlik va idoralar bilan sohaga oid vazifalarni bajarish jarayonida o'zaro hamkorlik qilish TARTIBI	Hujjat belgisi:	06
	Amal qilish muddati:	3 yil	Tahrir:	1

22. Agentlik va tizim tashkilotlarining xodimi tomonidan mazkur Qoidalarning buzilishi uni qonunchilikda belgilangan tartibda javobgarlikka tortishga asos bo'lishi mumkin.